

褚人获

堅瓠集



丙寅秋日

堅瓠

集

集

八十一翁增祥題

序

余自辛未歲歸里畱寓海湧峰岑寂無賴辱褚先生稼軒攜屐過訪相見恨晚
余亦時往過從稼軒意氣豪邁跌蕩聲酒謝安石之絲竹孔文舉之壺觴致足
樂也年少時與諸名士較勝文壇譽日益起既乃有子雲之悔益肆志於前代
之載二酉四庫之藏靡不博覽而究心焉發爲詩古文辭類足以度越流俗追
復正始而間以其暇搜錄秦漢以迄故明歷代軼事并訪諸故老之舊聞摘其
佳事佳話之尤者次爲一編命之曰堅瓠集余伏而讀之恍乎見所未見又別
有意致可風不獨以隳隱見奇也昔龍門氏博綜載籍又窮極河嶽之觀發揮
制作成諸史之冠劉宋臨川王義慶採輯典午一代微言旁及漢魏談論雋永
可味者集爲世說今稼軒所著其信古傳述之功則龍門也而詞旨雅馴成一
家言則兼有臨川之長矣因稼軒之持以示余而并以序屬之余也爲聊綴數
語如此

康熙乙亥首夏望後十日年家同學弟孫致彌松坪漫題

序

昔君家少孫於龍門著述多補遺之功今其書竝附龍門氏以傳然則褚氏固多善著書稼軒乃其選也稼軒淫於書總括百家馳騁千載殆如古所謂崔之文林梁之學府其人者而雅善撰述毛子越修稱其有續聖賢羣輔錄等著悉祕不授梓獨出堅瓠小史公示同好譬猶見豹一斑未足以窺其全也顧余受而讀之則已含今茹古咀英嚼華於書靡不取資而絢爛之極酷有裁製陸機氏云傾羣言之瀝液漱六藝之芳潤抱朴子又云摘翡翠之藻羽脫犀象之角牙二者稼軒之書備之矣昔東京王仲任初著論衡蔡伯喈以爲度越諸子恒資論說諸儒亦慊購異書今使持稼軒所著秘玩以爲談助必有見之解頤而聞之絕倒者其不出論衡下可知也彼少孫續史論者多所訾貶讀稼軒所著以視古人故當上之豈獨使見者歎褚先生復出而已哉稼軒刻成五集即屬余爲序今始應其請余固知不免疎懶之誚至其集之所由名則固有劉蔡諸公之說在已

易亭楊无咎拜撰

堅瓠戊集卷之一目錄

勉學歌

諭俗歌

諭俗箴

格言詩

邵許詞

四畱銘

衛邵格言

真味堂

易足齋

村婦艷詩

祈雨警句

世態炎涼

候潮詩

玉枕山詩

道月佛力

祈雨

題松雪畫

劉改之詩詞

賦詩去位

題衛輝驛

劉海蟾歌

張躍川絕句

柳毅井

呂真人

張君壽

孟鯉詩

銀牀

仇萬頃賣詩

毛伯溫咏萍

洛陽花酒

賞花釣魚

對句

憐馬卒

呂翁夢

張夢晉

六歲應試

貧士徵

民謠

棄舊戀新

三尸

角三弄

夢宮女戲毯

遣妓詩

蝶粉蜂黃

戒好色

買妾行

赤壁

四威儀

隔壁笑

移棊相間

八不就訣

周藩宮詞

劉庭信詞

穀靡靡

哈打打

戲言召辱

趙秉文詞

蛛網救蝶

火焚米商

老秀才

堅瓠戊集卷之一

長州石農緒人穫稼軒纂輯

勉學歌

舊傳勉學歌四章惜不載誰作其一云君不見東鄰一出騎青驄笑我徒步眞孤窮讀書一旦登樞要前遮後擁如雲從昔時子身今富足大纛高牙導前陸始信出門莫恨無人隨書中車馬多如簇其二云君不見西鄰美婦巧畫眉笑我無妻誰娶之讀書一旦高及第豪門爭許成婚期昔時孤房今花燭孔雀屏開忻中目始信娶妻莫恨無良媒書中有女顏如玉其三云君不見南鄰萬頃業有餘笑我飢寒苦讀書讀書一旦登雲路腰間紫袋懸金魚昔時簞瓢今梁肉更是全家食天祿始信富家不用買良田書中自有千鍾粟其四云君不見北鄰飛宇聳雲端笑我屋漏門無關讀書一旦居相府便有廣廈千萬間昔時葦簷今梁木畫棟雕甍成突兀始信安居不用架高堂書中自有黃金屋

諭俗歌

魯文恪公傳有諭俗歌云祖也善孫也善該有善報全不見請君莫與天打算此翁記得只性緩積善之家終長遠祖也惡孫也惡該有惡報全不覺請君莫與天激聒此翁性緩不曾錯積惡之家終滅沒財也大產也大後來子孫禍也大借問此理是如何子孫財多膽也大天來大事也不怕不喪身家不肯罷財也小產也小後來子孫禍也小借問此理是如何子孫無財膽也小些小生業知自保儉使儉用也過了

諭俗箴

方正學孝孺有諭俗四箴李密菴先生詩省補一箴可翼明高皇六諭及聖諭十六條子孝寬父心斯言誠爲確不患父不慈子賢親自樂父母天地心大小無厚薄虞舜日夔夔瞽瞍亦允若兄須愛其弟弟必恭其兄勿以纖毫利傷此骨肉情周公賦棠棣田氏感紫荆連枝復同氣婦言慎勿聽夫以義爲良婦以順爲令和樂禎祥來乖戾災禍應舉案必齊眉如賓互相敬牝雞一晨鳴三綱何由正損友敬而遠益友宜相親所交在賢德豈論富與貧君子淡

如水歲久情愈真小人口如蜜轉眼如仇人 君臣義最重莫逃天地間手足
衛腹心一體恒相關政荒事或怠職曠官乃繆一飯主恩深朝野總一般方氏
闕此箴母乃殷民頑我爲補其亡萬古重於山

格言詩

陳眉公格言詩云過去事已過去了未來不必預思量只今只說只今話一枕
黃粱午夢長又不爲謀生不讀書數竿修竹是吾廬近來學得長生訣賣盡呆
獸又賣癡又云畱七分正經以度生畱三分癡呆以防死 甌甌子教人養喜
神止庵子教人去殺機能師二語其福自厚

邵許詞

邵康節聽天吟云上天生我上天死我一聽於天有何不可許魯齋詞云花謝
花開時去時來福方慰眼禍已成胎得未足慕失未足哀得失在天敬聽天裁
讀此二詩則躁進之心渙然冰釋矣

四畱銘

夷堅志王參政伯大號畱耕嘗著四畱銘于座右云畱有餘不盡之巧以還造化畱有餘不盡之祿以還朝廷畱有餘不盡之財以還百姓畱有餘不盡之福以還子孫貼于壁間忽一日雲霧四起霞光燭天遂失書所在浩然齋視聽抄作馬碧梧語

衛邵格言

衛伯玉有言曰人有不及可以情恕非意相干可以理遣吾人處世能以情恕以理遣可以遠禍怨可以添福壽邵康節詩云仁者難逢思有常平居慎勿恃何妨爭先徑路機關惡退後語言滋味長爽口味多終作疾快心事過必爲殃與其病至求良藥不若病前能自防

李密庵作陳璧中示姚勝柔

此詩與伯玉之言俱當書之座右

真味堂

李屏山

純甫

題真味堂云問渠真味若爲言不著鹽梅也自全龜鼎大夫徒染

指麴車公子枉流涎胸中已有五千卷徽外更聽三兩絃此老清饒何所似宦

情嚼蠟已多年

易足齋

王元老家題易足齋云吾愛吾廬事事幽此生隨分得優游窮冬夜話蒲團煖
長夏朝眠竹簟秋一榻蠹書閒處看兩盂薄粥飽時休紅旗黃紙非吾事未羨
元龍百尺樓

村婦艷詩

勑大師現女人身說法者附乱作村婦艷詩云西施住盡黃金屋泥壁蓬牕獨
剩儂寄語梁間雙燕子天涯可有好房權

祈禱警句

碣石剩談景泰間徐州馬蘭齋彦芳爲汝寧教精舉業尤長於詩一時登科第
者多出其門時太守殷文僞在郡每遇旱澇祈禱輒應以詩賀者甚衆惟蘭齋
一聯擅場云禱雨雨隨天外至祈晴晴自望中開太守得詩大喜謂其僚佐曰
蘭齋開字韻可謂壓倒元白矣

世態炎涼

卷之三

沈石田有送歸燕詩云送歸燕送歸燕秋社於今又一遍明年春社是來時隔不半年仍復見送歸燕送歸燕似把人家作郵傳來時不是慕富貴去日曾非棄貧賤口喃喃尾涎涎意與主人相眷戀對語殷勤楊柳樓雙飛再四梧桐院樓中院中有賓客主人日日開高宴酒杯去手易肺肝酒杯在手革顏面若將燕子比人情燕子年年情不變余向見其真蹟題杏花燕子上書畫俱精瞿稼軒石田詩鈔不載近見碣石剩談石田又有新燕篇云今年見新燕猶似去年見主人頭髮白轉多只有烏衣不曾變年去年來不差分明記得主人家柴門大開風滿屋飛出飛入尋楊花君不見相國門前車馬塞一朝去相車馬寂車馬寂草萋萋燕子還來梁上棲二詩總喻世態炎涼錢功甫石田集暨瞿本俱不載丘瓊山有感恩詩云白髮年來也不公春風亦與世情同而今燕子如蝴蝶不入尋常矮屋中戴石屏詰燕篇有春風期汝一相顧對語茅簷慰岑寂如何今年來於我絕踪跡一貪簾幕畫堂間便視吾廬爲棄物棄舊戀新古今

同慨

候潮詩

建文初舟山王永頤字崇正狀貌魁梧未第時遊錢塘值御史朱某泊諸司觀潮噏王弗避拘至王意思安閒御史試以候潮詩援筆立就云大江東去接蓬萊萬里潮聲兩浙開幾度夜隨明月上有時風捲雪山頽畫船衝汛沙頭立白馬凌空海上回我欲乘槎訪霄漢清風不擬釣魚臺有僉憲猶怒復試之有分明一派長江水做出許多聲勢來之句御史笑而釋之

玉枕山詩

陳白沙應詔道出南安太守張弼大以白沙出山爲非是欲尼其行白沙不可製玉臺巾詩與汝弼往復頗相譏諷白沙作玉枕山詩云一枕秋橫碧玉新金鰲閣上見璘珣使君得此全無用賣與江門打睡人汝弼復之曰客囊羞澁客衣單那有黃金買此山多少高人眠不著雞鳴催入紫宸班白沙跋之曰東海白沙大家不睡笑殺陳圖南也詳在玉枕山詩話中

道月佛力

金山志載岳武穆班師過金山寺禪師道月勸之勿赴闕武穆不聽道月遺以詩云風波亭下水滔滔千萬堅心把柁牢只恐同行人意歹將身推落在深濤武穆至臨安被賊檜誣陷繫大理獄有亭扁曰風波始悟詩意悔不從其言武穆卒檜聞前言遣卒何立捕道月道月方集衆說法何立伺之道月忽說偈曰吾年四十九是非日日有不爲自家身只爲多開口何立從南來我往西方走不是佛力大幾乎落人手言訖端坐而化

祈雨

有太守祈雨於龍潭得小雨而未甚應作一絕云祈雨精神尙未通浮雲開合有無中神龍恐我羞歸去畧灑些些表不空投詩潭中大雨隨足 明末辛巳壬午吾蘇亢旱當事祈禱不克默回天意早霈甘霖滑稽者作對云妖道惡僧念退風雲雷雨貪官污吏拜出日月斗星爲一時傳誦

題松雪畫

趙松雪

孟頫

以宋王孫仕元後人每題其遺墨以寓譏諷如虞勝伯

堪

題苕溪

圖云吳興公子玉堂仙寫出苕溪勝輞川兩岸

一作首

青山紅樹下

一作少

豈無

一畝種瓜田張來儀

羽

題畫蘭云盈盈葉上露似欲向人啼周良石

頁

題竹枝

云中原日暮龍旂遠南國春深水殿寒畱得一枝烟雨裏又隨人去報平安高

季迪

啓

題畫馬云一歸天廐嗟空老立仗元來用不鳴沈石田

周

云千金千里

無人識笑道胡兒買去騎又無名氏云前代王孫今閣老只畫天閒八尺龍是

可慨已松雪嘗臨宋徽宗草蟲自題云不假丹青筆何人寫遠愁露濃時菊晚

風緊候蟲秋此可見松雪意也楊孟載

基

次其韵以解云王孫老去尙風流畫

裏新詩寫淡愁莫道吳宮與梁苑露蛩烟草一般秋又始祖命松雪作詩諷畱

夢炎有往事已非那可說且將忠直報皇元句類唐太宗之評魏徵正所以自

狀也

草木子載松雪子仲穆

雅

能作蘭木竹石道士張伯雨題其墨蘭云滋

蘭九畹空多種何似墨池三兩花近日國香零落盡王孫芳草遍天涯仲穆見

而媿之遂不作蘭

劉改之詩詞

卷八

廬陵劉改之

過

以詩鳴江西厄於韋布放浪荆楚間開禧乙丑過京口岳珂爲

饌幕庾吏因識焉廣漢章以初

升之

東陽黃幾叔

機

敷原王安世

遇

英伯

遇

皆

寓是邦暇日相與撫奇弔古多見於詩改之咏多景樓曰金焦兩山相對起不盡中流大江水一樓坐斷天中央收拾淮南數千里西風把酒閒來遊木葉漸脫人間秋關河景物異南北神京不見雙淚流君不見王勃詞華能蓋世當時未遇屠人耳翩然落托豫章游滕王閣中悲帝子又不見李白才思眞天人時人不省爲謫仙一朝放迹金陵去鳳凰臺上望長安我今四海游將徧東歷蘇杭西漢沔第一江山最上頭天地無人獨登覽樓高意遠愁緒多樓乎樓乎奈爾何安得李白與王勃名與此樓長突兀詞翰俱卓犖可喜嘉泰癸亥改之在中都時辛稼軒

異疾

帥越聞其名遣介招之以事不及行因倣辛體賦沁園春

詞并緘往其詞曰斗酒彘肩醉渡浙江豈不快哉被香山居士約林和靖與蘇公等駕勒吾回坡謂西湖正如西子濃抹淡妝臨照臺諸人者都掉頭不顧只